

# ხელშეკრულება № 307/6

## ნორმატიული აქტების საინფორმაციო-სადიებო სისტემა "კოდექსი-ოფისი 2007 R3"-ის ინფორმაციულ მომსახურებაზე

ქ. ზესტაფონი

11 იანვარი 2013წ.

შ.პ.ს. ინფოსერვისი მისი გენერალური დირექტორის **ზურაბ თეთრაძის** სახით, წოდებული შემდგომში "შემსრულებელი", ერთის მხრივ და ზესტაფონის მუნიციპალიტეტის საკრებულოს თავმჯდომარის მოვალეობის შემსრულებლის თამაზ ბეჟუაშვილის სახით, წოდებული შემდგომში "დამკვეთი", მეორეს მხრივ, ვლებთ წინამდებარე ხელშეკრულებას შემდეგზე:

### 1. ხელშეკრულების საგანი

1.1. ხელშეკრულების საგანია სახელმწიფო ბიუჯეტის სახსრებით, გამარტივებული შესყიდვის საშუალებით კომპიუტერული პროგრამის „კოდექსი-ოფისი 2007“-ს ინფორმაციული მომსახურების შესყიდვა წინამდებარე ხელშეკრულებით გათვალისწინებული პირობის შესაბამისად კოდით: 72200000

1.2. შემსრულებელი გადასცემს საკანონმდებლო და კანონქვემდებარე აქტების საინფორმაციო-სადიებო სისტემას "კოდექსი-ოფისი 2007 R3" (შემდგომში "კოდექსი-ოფისი"). მუშაობს ოპერაციულ სისტემებში – MS WINDOWS 7/XP sp3, და შედგება სამი პროგრამისაგან:

- ა) "კოდექსი-ოფისი 2007 R3 "
- ბ) "კოდექსი-ოფისი 2007 R3- კოდიფიცირებული"
- გ) "კოდექსი-ოფისი 2007 R3 - საერთაშორისო ხელშეკრულებები"

1.3. "კოდექსი-ოფისი 2007 R3 " მოიცავს:

- საქართველოს კონსტიტუციას;
- საქართველოს პარლამენტის კანონებსა და დადგენილებებს;
- საქართველოს პრეზიდენტის (პარლამენტის თავმჯდომარე – სახელმწიფო მეთაურის) ბრძანებულებებსა და განკარგულებებს;

- საკონსტიტუციო სასამართლოს განჩინებებს, გადაწყვეტილებებსა და პლენუმის დადგენილებებს;

- საქართველოს რესპუბლიკის მთავრობის (მინისტრთა საბჭოს, მინისტრთა კაბინეტის) ძირითად დადგენილებებს;

- საქართველოს ეროვნული ბანკის, საგადასახადო სამსახურისა და ფინანსთა სამინისტროს მიერ 1993 წლის 1 იანვრიდან მიღებულ ძირითად კანონქვემდებარე და ნორმატიულ აქტებს (დადგენილებები, ინსტრუქციები, დებულებები, მითითებები, წერილები და ა.შ.);

- ქ. თბილისის საკრებულოსა და მერიის დადგენილებებს, გადაწყვეტილებებს, ბრძანებებს, აგრეთვე მუნიციპალიტეტის კაბინეტის დადგენილებებს;

- სამინისტროების, კონტროლის პალატის, გენერალური პროკურატურის სხვადასხვა სახელმწიფო სამსახურების (დეპარტამენტები, კომისიები, სააგენტოები და სხვა) მრავალ დოკუმენტს.

1.4. "კოდექსი-ოფისი 2007 R3 კოდიფიცირებული" მოიცავს საქართველოს ყველა კოდიფიცირებულ კანონსა და კოდექსს;

1.5 "კოდექსი-ოფისი 2007 R3 - საერთაშორისო ხელშეკრულებები" მოიცავს საერთაშორისო ხელშეკრულებებს, შეთანხმებებს, ოქმებს, დეკლარაციებს, მრავალმხრივ ხელშეკრულებებს, საერთაშორისო კონვენციებს;

## 2. სამუშაოთა ღირებულება და ანგარიშსწორების წესი

2.1. მონაცემთა ბაზების ყოველკვირეული ინფორმაციული განახლება ერთ კომპიუტერზე ანაზღაურდება თვეში **40 (ორმოცი)** ლარის ოდენობით, ხოლო "კოდექს-ოფისი"-ს სხვა კომპიუტერებზე დაყენების შემთხვევაში, ყოველი დამატებითი კომპიუტერისათვის აღნიშნულ თანხას თვეში დამატება **10 (ათი)** ლარი.

2.2. სამი კომპიუტერისათვის ყოველთვიური გადასახადი იქნება **60 (სამოცი)** ლარი, ხოლო მთლიანი წლიური გადასახადი იქნება **720 (შვიდასოცი)** ლარი

2.3. გადახდა მოხდება ყოველთვიურად, წარმოდგენილი საგადასახადო ანგარიშ-ფაქტურის მიხედვით.

2.5. დამკვეთი იღებს ვალდებულებას აუნაზღაუროს შემსრულებელს ამ ხელშეკრულებით განსაზღვრული ღირებულება ანგარიშ-ფაქტურის წარმოდგენიდან 10 კალენდარული დღის განმავლობაში.

2.6. ზემოთ ჩამოთვლილი ყველა თანხა მოიცავს დამატებითი ღირებულების გადასახადს.

## 3. მხარეთა პასუხისმგებლობა

3.1. შემსრულებელი ვალდებულია განახორციელოს "კოდექს-ოფისი-ს" ინფორმაციული განახლება არანაკლებ ორ კვირაში ერთხელ, ახალი საკანონმდებლო და ნორმატიული აქტების მიღების შესაბამისად.

3.2. "კოდექს-ოფისი"-ს ინფორმაციული განახლება მოხდება ელექტრონული ფოსტის გამოყენებით.

3.3. დამკვეთი ვალდებულია დაიცვას საინფორმაციო-სამიუბო სისტემა "კოდექს-ოფისი" არა სანქცირებული გამრავლებისაგან.

3.4. „შემსრულებელი“ არ იღებს პასუხისმგებლობას "კოდექსი-ოფისი"-ს მონაცემთა ბაზაში შეტანილი ინფორმაციის უშეცდომობაზე, ასევე ნებისმიერი სახის ზიანზე რომელიც შეიძლება გამოწვეულ იქნას შეცდომების შედეგად, მათი არსებობის შემთხვევაში.

## 4. ფორს-მაჟორი ანუ გაუთვალისწინებელი შემთხვევები

4.1. თუ ხელშეკრულებით ნაკისრი ვალდებულებების შეუსრულებლობა განპირობებული იყო ხელშეკრულების მხარისაგან დამოუკიდებელი დაუძლეველი ძალის გარემოებების ზემოქმედებით, რომლებიც შეუძლებელს ხდიან ხელშეკრულების მხარის მიერ ვალდებულებების დროულად და/ან სათანადოდ შესრულებას, ხელმომწერი მხარე თავისუფლდება პასუხისმგებლობისაგან ამ დაუძლეველი გარემოებების (შემდგომში ფორს-მაჟორი) მოქმედების მანძილზე.

4.2. ხელმომწერი მხარე ან მისი უფლებამონაცვლე, რომელიც ფორს-მაჟორს იმოწმებს, მოვალეა დაუყოვნებლივ აცნობოს მეორე მხარეს წერილობით (დასაშვებია შეტყობინება ელექტრონული ფოსტის მეშვეობით), ფორს-მაჟორული გარემოებების ზემოქმედების დაწყების და შეწყვეტის შესახებ.



## 5. ხელშეკრულების განსაკუთრებული პირობები

5.1. ეს ხელშეკრულება შეიძლება შეწყდეს ან შეიცვალოს მხარეთა ორმხრივი შეთანხმებით. გარდა ამისა, ხელშეკრულების თითოეულ მხარეს უფლება აქვს ვადაზე ადრე შეწყვიტოს ხელშეკრულება ცალმხრივად, ისე, რომ მას ამისთვის არ დაეკისროს პასუხისმგებლობა, თუ შეწყვეტის შესახებ მეორე მხარეს წერილობით შეატყობინებს (დასაშვებია შეტყობინება ელექტრონული ფოსტის მეშვეობით) შეწყვეტამდე ერთი თვით ადრე. ხელშეკრულების ნებისმიერი მიზეზით შეწყვეტის შემთხვევაში მხარეთა შორის უნდა მოხდეს საბოლოო ანგარიშსწორება.

5.2. საკითხები, რომლებიც განხილული არ არის ამ ხელშეკრულებაში, გადაწყდება დამატებითი ხელშეკრულების დადებით.

5.3. ქონებრივი ან არა ქონებრივი დავა, რომელთა გამო მხარეები ვერ შეთანხმდებიან, გადაწყდება სასამართლოში საქართველოს კანონმდებლობის შესაბამისად.

5.4. მნიშვნელოვანი ინფლაციის შემთხვევაში (15 %-ზე მეტი) "კოდექს-ოფისი"-ს ინფორმაციული განახლების ანაზღაურება შეიძლება შეიცვალოს მხარეთა შეთანხმებით.

## 6. ხელშეკრულების მოქმედების ვადა და მხარეთა იურიდიული მისამართები

6.1. ხელშეკრულება ძალაშია ხელშეკრულების გაფორმების დღიდან და მოქმედებს 2013 წლის 31 დეკემბრის ჩათვლით.

6.2. ხელშეკრულება შედგენილია ორ ეგზემპლარად და ორივეს თანაბარი იურიდიული ძალა ენიჭება მხარეთა მიერ ხელშეკრულების ხელმოწერის დღიდან.

6.3. მხარეთა იურიდიული და საბანკო რეკვიზიტებია:

### შ.პ.ს. "ინფოსერვისი"

თბილისი, ვ. ხეთაგუროვის 4

ტელ: 295-10-36

საიდენტიფიკაციო კოდი 200001229

საბანკო რეკვიზიტები:

ბანკი "რესპუბლიკა"-ს სადგურის ფილიალი

ა/ა ანგარიშის №GE31BR0600003608002037

ბანკის კოდი REPLGE 22

### ზესტაფონის მუნიციპალიტეტის საკრებულო

ზესტაფონი, წერეთლის ქუჩა №11

ტელ: 0492252626

საიდენტიფიკაციო კოდი: 230087045

ს.ს. „ლიბერთი ბანკი“-ს ზესტაფონის ფილიალი


ა/ა № GEO3LBO120177576710000

ბ/კოდი LBRTGE22

### შ.პ.ს. "ინფოსერვისი"-ს

დირექტორი

ზურაბ თეთრაძე





2013წ.

### ზესტაფონის მუნიციპალიტეტის საკრებულო

საკრებულოს თავმჯდომარის მოვალეობის

შემსრულებელი თამაზ ბეჟუაშვილი



2013წ.

